

Cod Ymddygiad Myfyrwyr

Dyddiad Cyhoeddi	Gorffennaf 2019
Dyddiad Adolygu	Gorffennaf 2022
Awdur	Tom Snelgrove Rheolwr Profiad a Lles Dysgwyr
Lleoliad y Polisi	BIZ-Sharepoint / Intranet / Policies & Procedures / Learner Services & Support
Cymeradwywyd y polisi gan:	Dirprwy Bennaeth

Mae'r rheolau hyn yn berthnasol i fyfyrwyr amser llawn a rhan-amser:

Eich Ymddygiad

1. Byddwch yn ymddwyn mewn modd rhesymol, parchu eraill a dangos pryder am yr amgylchedd.
2. Ni fyddwch yn cymryd rhan mewn unrhyw fath o aflonyddu a byddwch yn gwerthfawrogi treftadaeth gymunedol a diwylliannol amrywiol y Coleg.
3. Os ydych yn defnyddio neu'n bygwth defnyddio trais corfforol yn erbyn unrhyw aelod o gymuned y Coleg, ei staff neu ddysgwr, byddwch yn cael eich gwahardd ar unwaith tra bydd ymchwiliad.
4. Ni fyddwch yn difrodi neu ddifwyno eiddo yn unrhyw ran o'r Coleg, ar unrhyw gludiant neu unrhyw safle arall y byddwch yn ymweld ag ef. Os byddwch yn gwneud hynny, chi fydd yn gyfrifol am unrhyw gostau atgyweirio.
5. Ni fyddwch yn cymryd rhan mewn unrhyw fath o gamblo ar safleoedd y Coleg.
6. Rhaid i chi barchu holl bolisiau'r Coleg. Mae'r rhain i'w gweld ar y wefan, yn yr adran Gwasanaethau Myfyrwyr ac yn y Ganolfan Adnoddau Dysgu neu gallwn eu darparu ar gais.

Eich Rhaglen Waith

7. Mae disgwyl i chi ddod â'r offer priodol i ddarlithoedd, gyda'r deunyddiau cwrs perthnasol.
8. Ni chaniateir defnyddio ffonau symudol (gan gynnwys fideos) mewn mannau dysgu, oni bai bod y darlithydd wedi rhoi caniatâd penodol.
9. Os ydych chi wedi cael eich adnabod fel rhywun sydd ag angen cymorth ychwanegol dylech fynychu sesiynau sgiliau astudio.
10. Disgwylir i chi gyfrannu at bob prosiect tîm a gweithgaredd grŵp.
11. Ar gyfer cyrsiau priodol, rhaid i chi ddangos y byddwch yn gymwys i ymarfer ym maes eich dewis gyrfa a'ch bod yn gallu cydymffurfio â gofynion y cyflogwr perthnasol neu gorff proffesiynol.
12. Mae gofyn i chi gwblhau'r holl waith a osodwyd gan ddarlithwyr erbyn y dyddiadau y cytunwyd arnynt.

13. Caiff gwaith hwyr ei farcio yn ôl disgresiwn y darlithydd, ac ni fyddwch yn cael cyfle i ailwneud gwaith a gyflwynir ar ôl y dyddiad a bennwyd.
14. Os na fyddwch yn bodloni'r terfynau amser a osodwyd gan y Corff Dyfarnu efallai y bydd eich gwaith yn cael ei gyflwyno ar gyfer yr asesiad nesaf. Gall hyn amharu ar eich cyfle i symud ymlaen i Addysg Uwch neu gyflogaeth.
15. Rhaid i chi gwblhau'r arholiadau mewnol ac allanol ac asesiadau yn llwyddiannus, lle y bo'n briodol, er mwyn symud ymlaen ar y cwrs.
16. Efallai y bydd y Coleg yn gofyn i chi dynnu'n ôl o'ch cwrs, neu gall wrthod caniatáu i chi geisio am asesiadau allanol os yw un neu bob un o'r canlynol yn anfodddhaol: cynnydd, presenoldeb a chyrhaeddiad.
17. Rhaid i draethawd ymchwil, traethawd estynedig, neu unrhyw draethawd neu waith cwrs arall, nad yw'n cael ei gynnal o dan amodau arholiad ffurfiol, ac sy'n cyfrif tuag at eich cymhwyster, fod eich gwaith eich hun ac ni ddylai gynnwys deunydd wedi'i lôn-ladrata. Bydd defnyddio deunydd wedi'i lôn-ladrata yn y gwaith cwrs yn cael ei drin fel trosedd disgyblu o dan y Cod Ymddygiad hwn. Mae llôn-ladrad yn cael ei ddiffinio fel "dyfynnu darnau neu aralleirio'n agos gwaith gan awduron eraill heb gydnabyddiaeth". Rhaid nodi unrhyw ddarnau wedi'u dyfynnu neu eu haralleirio fel dyfyniadau neu aralleiriadau, a rhaid cydnabod ffynonellau y deunydd a ddyfynnir neu a aralleirir. Eich cyfrifoldeb chi yw sicrhau eich bod yn dilyn y rheolau a nodwyd gan y Corff Dyfarnu neu'r Bwrdd Arholi. Mae copi o'r rheolau ar gael ar wefan y Coleg.
18. Os ydych yn cael eich amau o dwyllo mewn arholiad dan oruchwyliaeth, byddwch yn agored i god disgyblu'r Bwrdd Arholi / Corff Dyfarnu, ac mae copi o'r rhain ar gael ar wefan y Coleg.
19. Os hoffech dynnu'n ôl o gwrs / modiwl / arholiad ar ôl cofrestru / mynediad, bydd rhaid i chi dalu'r ffi briodol. Bydd hon yn cael ei hepgor mewn achosion o salwch neu amgylchiadau personol eithriadol yn ôl disgresiwn y Coleg. Bydd angen i chi gysylltu â'r Swyddfa Arholiadau am gadarnhad.

Eich Presenoldeb

20. Mae eich presenoldeb yn agored i'r Polisi Presenoldeb Myfyrwyr a nodwyd yn y Cod Ymddygiad hwn.
 - a. Mae presenoldeb yn yr holl ddosbarthiadau yn orfodol, gan gynnwys lleoliadau gwaith. Disgwylir i chi gyflawni presenoldeb o 100%. Bydd eich presenoldeb yn cael ei fonitro

a gall unrhyw batrwm o absenoldeb arwain at gamau disgyblu.

- b. **Ni**ddylid cymryd gwyliau yn ystod y tymor.
 - c. Nid yw absenoldebau heb awdurdod yn dderbyniol.
 - ch. Rhaid hysbysu'r Coleg pan fydd amgylchiadau yn eich atal rhag bod yn bresennol yn y Coleg.
 - d. Os ydych yn absennol o'r coleg am fwy na 4 wythnos heb roi gwybod i'r unigolyn priodol yn y Coleg, bydd y Coleg yn cymryd yn ganiataol eich bod wedi gadael. Ni fydd gweithdrefnau disgyblu myfyrwyr y Coleg yn berthnasol, ond mae gan fyfyrwyr yr hawl i apelio.
 - dd. Rhaid i chi gyfyngu ar unrhyw waith rhan-amser fel nad yw'n effeithio ar eich astudiaethau yn y Coleg.
21. Cyfeiriwch at y Polisi Presenoldeb Myfyrwyr i gael manylion llawn. Os bydd unrhyw wrthdaro rhwng y Cod Ymddygiad hwn a'r Polisi Presenoldeb Myfyrwyr, bydd y Polisi Presenoldeb Myfyrwyr yn cael ei ddilyn.

Eich Iechyd a Diogelwch

22. Bydd myfyrwyr amser llawn yn cael cerdyn adnabod myfyriwr / cerdyn llyfrgell a bydd disgwyl iddynt ei gario gyda nhw bob amser.
23. Mewn argyfwng, rhaid dilyn y weithdrefn wacáu briodol. Mae gan y Coleg offer tân ac offer cymorth cyntaf.
24. Os ydych yn dioddef o unrhyw gyflwr meddygol, anabledd neu'n cymryd meddyginiaethau rhagnodedig gofynnir i chi ddatgelu'r wybodaeth hon pan fyddwch yn derbyn eich cwrs neu ddweud wrth eich tiwtor yn ystod eich sesiwn sefydlu.
25. Os ydych yn dioddef o unrhyw anabledd corfforol a / neu anhawster dysgu na chafodd ei ddatgelu adeg gwneud cais neu yn ystod y cyfweiliad, rhaid i chi roi gwybod i'ch tiwtor.
26. Rhaid i'r Coleg gael gwybod am unrhyw feddyginiaeth awdurdodedig rydych yn ei chymryd.
27. Rhaid i chi roi gwybod i'r Coleg am unrhyw newid cyfeiriad a / neu rif ffôn.

28. Os ydych wedi cael damwain yn y Coleg, neu os ydych yn dioddef o salwch heintus, rhaid i chi roi gwybod i Ymgynghorwyr Iechyd Myfyrwyr y Coleg ar unwaith.
29. **Ni chaniateir defnyddio alcohol, toddyddion na chyffuriau ar safleoedd y Coleg, ar drafnidiaeth, yn ystod gweithgareddau neu ar unrhyw adeg yn ystod y diwrnod Coleg. Bydd unrhyw ddysgwr y canfyddir ei fod yn meddu ar, yn defnyddio, neu'n dangos effeithiau diodydd meddwol, cyffuriau neu anterthau cyfreithlon, yn cael ei wahardd ar unwaith, tra bydd ymchwiliad. Os bydd tystiolaeth yn cadarnhau bod y myfyriwr o dan ddylanwad alcohol, cyffuriau neu anterthau cyfreithlon, neu fod y cyffuriau hyn yn eu meddiant, efallai y bydd yn wynebu gwaharddiad parhaol. Os yw'r myfyriwr yn cydnabod bod angen cymorth arno, gall y Coleg gytuno i'r myfyriwr gael ei roi ar rybudd terfynol er mwyn iddo allu parhau â'i astudiaethau, ar yr amod bod y myfyriwr yn cytuno i gael cymorth gyda Choices, Barod ac yn cytuno i ganiatáu i Barod rannu gwybodaeth am ei gynnydd â'r Coleg. Byddai unrhyw achosion dilynol yn arwain at waharddiad.**
30. Rhaid i chi beidio â mynd i mewn i labordy neu weithdy hyd nes y bydd aelod o staff yn bresennol. Mewn rhai achosion efallai y byddwch yn cael mynediad i labordy cyfrifiaduron os oes tocyn gennych.
31. Rhaid i chi ddilyn y cyfarwyddiadau penodol ynghylch defnyddio'r llyfrgell, y labordai a'r gweithdai a hefyd y rhai sy'n ymwneud â thocynnau bws.
32. Gallwch fwyta ac yfed yn ardaloedd penodedig y Coleg yn unig.
33. Ni chaniateir ysmygu ar safleoedd y Coleg (ac eithrio ardaloedd dynodedig) na thrafnidiaeth y Coleg.
34. Rhaid rhoi sbwriel yn y biniau yn yr adeiladau a'r biniau o'u cwmpas.
35. Rhaid i chi beidio ag ymddwyn mewn ffordd sy'n bygwth iechyd a diogelwch pobl eraill, e.e. drwy loetran ar risiau, mewn tramwyfeydd neu allanfeydd tân; ymyrryd â diffoddwyr tân, larymau tân ac ati.
36. Caniateir gweithgareddau chwaraeon, gan gynnwys sgrialu, yn yr ardaloedd dynodedig yn unig.

Eich Cerbyd

37. Oherwydd manau parcio cyfyngedig yn y Coleg, anogir myfyrwyr i beidio â dod â cheir i'r Coleg. Os byddwch yn penderfynu dod â'ch car i'r Coleg, dylech ei barcio mewn lle dynodedig **yn unig**.
38. Os na fyddwch yn cadw at y terfynau cyflymder a'r trefniadau parcio byddwch yn colli'ch hawliau parcio a byddwch yn wynebu camau disgyblu.
39. Rhaid i chi roi gwybod i staff y Dderbynfa os yw'ch cerbyd wedi achosi unrhyw niwed i eiddo coleg neu gerbydau eraill ar safleoedd y Coleg.
40. Caiff ceir eu parcio ar eich risg eich hun. Ni dderbynnir unrhyw gyfrifoldeb am unrhyw golled neu ddifrod.

Eich Eiddo ac Adnoddau Coleg sydd ar Fenthyg i Chi

41. Mae eitemau gwerthfawr sy'n cael eu gadael mewn unrhyw ystafell, ystafell gotiau, neu goridor yn y Coleg neu yn eich car yn cael eu gadael ar eich risg eich hun. Ni allwn dderbyn unrhyw gyfrifoldeb am unrhyw golled neu ddifrod.
42. Rhaid i chi ddychwelyd yr holl lyfrau ac offer sydd ar fenthyg i chi, cyn i chi adael y Coleg. Mae hyn yn cynnwys unrhyw offer sydd wedi cael eu rhoi drwy'r Gronfa Ariannol Wrth Gefn e.e. cit neu docynnau bws. Os byddwch yn methu â gwneud hyn efallai y bydd y Coleg yn gwrthod unrhyw geisiadau yn y dyfodol.
43. Byddwch yn gyfrifol am y gost o ganlyniad i unrhyw ddifrod neu golledion a gallwn gymryd camau cyfreithiol i adennill y gost os byddwch yn ysgwyddo'r cyfrifoldeb hwn.

Torri'r Cod Ymddygiad

44. Bydd myfyrwyr sy'n torri'r Cod Ymddygiad yn wynebu camau disgyblu.
45. Wrth ddehongli'r Cod Ymddygiad hwn mae penderfyniad y Coleg yn derfynol.
46. Gall y Coleg newid y Cod Ymddygiad hwn ar unrhyw adeg neu ei anwybyddu yn dibynnu ar amgylchiadau'r achos.

Dogfennau Perthnasol

47. Mae'r dogfennau perthnasol yn cynnwys:

- a. Gweithdrefn Presenoldeb Myfyrwyr
- b. Gweithdrefn Disgyblu Myfyrwyr
- c. Polisi Cyffuriau ac Alcohol

Yr Iaith Gymraeg

48. Mae Coleg Gŵyr Abertawe yn ymrwymedig i hyrwyddo'r iaith Gymraeg a bydd yn ymdrechu i ddelio ag anghenion siaradwyr Cymraeg a'u cefnogi yn unol â Chynllun Iaith Gymraeg y Coleg.

Covid-19 – Cod Ymddygiad Myfyrwyr

(Addysg Bellach)

Mae'r rheolau hyn yn berthnasol i holl fyfyrwyr Coleg Gŵyr Abertawe

Bwriedir i'r cod ymddygiad hwn gael ei ddarllen ar y cyd â'r Cod Ymddygiad Myfyrwyr cyfredol. Mae'n manylu ar ddisgwyliadau myfyrwyr i gefnogi'r coleg i gydymffurfio â Chanllawiau'r Llywodraeth ac Asesiad Risg y Coleg sy'n ymwneud â Covid-19.

Er taw'r Coleg sy'n bennaf gyfrifol am lechyd a Diogelwch y myfyrwyr, mae'n ddyletswydd ar bob myfyriwr i ofalu am ei lechyd a'i Ddiogelwch ei hun ac lechyd a Diogelwch myfyrwyr eraill a allai gael eu heffeithio gan weithredoedd yr unigolyn. Rhaid i fyfyrwyr weithio gyda'r Coleg i helpu i fodloni'r gofynion cyfreithiol.

Symptomau Covid-19 (Gweler Canllawiau diweddaraf y Llywodraeth)

- 1) Peidiwch â dod i mewn i'r Coleg os oes gennych unrhyw symptomau Covid 19 - **Tymheredd uchel, peswch parhaus, methu arogl neu flas** (GIG) – neu unrhyw symptomau a restrir yng nghanllawiau diweddaraf y Llywodraeth.
- 2) Peidiwch â dod i mewn i'r Coleg os ydych wedi profi'n bositif am Covid-19 yn y gorffennol, neu os ydych yn profi symptomau Covid-19 yn ystod cyfnod o hunanynysu.
- 3) Peidiwch â dod i mewn i'r Coleg os ydych chi ar hyn o bryd yn hunanynysu oherwydd bod rhywun yn eich cartref wedi cael cyfarwyddyd i hunanynysu eu hunain oherwydd bod ganddyn nhw symptomau Covid-19, a pheidiwch â dod i mewn i'r Coleg ychwaith os oes unrhyw un yn eich cartref wedi profi'n bositif am Covid.
- 4) Rhowch wybod i'ch tiwtor neu i'r coleg yn syth os ydych yn dechrau profi symptomau Covid-19. Peidiwch â dychwelyd i'r Coleg nes ichi gwblhau cyfnod o hunanynysu a phrofi'n negyddol am Covid-19, a chadwch at ganllawiau diweddaraf y Llywodraeth.
- 5) Os ydych chi'n dychwelyd o wlad tramor, peidiwch â dod i mewn i'r Coleg nes eich bod wedi cwblhau cyfnod o hunanynysu yn unol â chanllawiau'r diweddaraf y Llywodraeth - <https://gov.wales/exemptions-self-isolation-coronavirus-covid-19-html>
- 6) Peidiwch â dod i mewn i'r coleg os ydych wedi bod mewn cysylltiad uniongyrchol â pherson sy'n hunanynysu yn unol â chanllawiau diweddaraf y Llywodraeth, oherwydd iddo/iddi ddychwelyd o wlad lle mae gofyn iddo/iddi hunanynysu - <https://gov.wales/exemptions-self-isolation-coronavirus-covid-19-html>

Golchi Dwylo / Hylendid

- 1) Rhaid ichi ddiheintio eich dwylo wrth ichi gyrraedd y coleg yn yr orsaf ddiheintio sydd wedi ei lleoli yn y dderbynfa/adeilad dynodedig yn y coleg.
- 2) Rhaid ichi olchi eich dwylo am 20 eiliad yn rheolaidd, yn enwedig rhwng gweithgareddau neu os ydych yn newid lleoliad yn yr adeilad
- 3) Rhaid ichi olchi eich dwylo yn unol â Chanllawiau Dwylo y Llywodraeth a bydd gofyn ichi sychu'ch dwylo â thyweli papur tafladwy.
- 4) Rhaid peswch a thisian mewn i disiws a rhaid eu gwaredu ar unwaith yn un o'r biniau sydd wedi'u lleoli yn y coleg
- 5) Rhaid osgoi cyffwrdd â'ch wyneb, eich llygaid, eich trwyn neu'ch ceg gyda dwylo brwnt
- 6) Rhaid i fyfyrwyr ddefnyddio toiledau dynodedig a'u gadael yn lân gan wneud yn siŵr bod yr holl dyweli papur a thisiws wedi cael eu taflu i'r manau cywir. Rhaid iddynt hefyd gadw pellter o 2 fetr.

Cadw Pellter Cymdeithasol

- 1) Cadwch bellter cymdeithsol o ddau fetr ar bob adeg ym mhob safle, mewn ystafelloedd cyffredin ac ardaloedd agored (Does dim rhaid i fyfyrwyr sy'n perthyn i'r un swigen/grŵp cyswllt gadw pellter cymdeithasol).
- 2) Pan fyddwch mewn ystafell ddosbarth neu ardal gweithdy yn eich swigen, rydym yn derbyn y bydd hi'n anodd i gadw pellter cymdeithasol o ddau fetr rhwng myfyrwyr eraill, ond rhaid cadw 2 fetr o bellter rhwng myfyrwyr a staff.
- 3) Dim ond un myfyriwr ar y tro sy'n cael defnyddio'r lifft – h.y. myfyrwyr sydd wedi cael caniatad i ddefnyddio'r lift
- 4) Rhaid dilyn system un ffordd yr adeilad
- 5) Cadwch bellter o 2m a chydymffurfiwch â'r marciau llawr lle bo'n berhnasol
- 6) Arhoswch 2m yn glir o'ch darlithydd bob amser
- 7) Peidiwch â chyffwrdd â myfyrwyr eraill e.e. ysgwyd llaw/cofleidio.
- 8) Peidiwch â mynd yn agos i barth dynodedig y darlithwyr yn yr ystafelloedd dosbarth.

Lleihau'r Risg o Ledu'r Feirws

- 1) Ewch i ystafelloedd dosbarth / ardaloedd dynodedig rydych chi'n cael eich dysgu ynddynt yn unig.
- 2) Defnyddiwch eich ardal gweithio/eich desg dynodedig yn unig.
- 3) Defnyddiwch yn unig yr offer cyfrifiadurol a ddyrennir ichi.
- 4) Cydymffurfiwch â'r polisi Desg Clir/Glân er mwyn glanhau ardaloedd yn effeithiol
- 5) Gwisgwch eich bathodyn adnabod bob amser fel y gall pobl eich adnabod chi fel myfyriwr.

- 6) Ewch i'r Coleg i fynychu gwersi yn unig, **ni chaniateir ichi ddod i'r Coleg i gymdeithasu.**
- 7) Bydd gofyn ichi ddefnyddio mynedfeydd ac allanfeydd penodol. Rhaid ichi wneud hyn i sicrhau diogelwch eraill.
- 8) Dim ond yn y llochesi ysmygu y caniateir ysmygu – rhaid cadw at reolau cadw pellter cymdeithasol.
- 9) Rhaid ichi osgoi cyffwrdd ag arwynebau lle bynnag bo hynny'n bosib, gan gynnwys drysau / rhwystrau sydd y tu allan i'ch ystafell ddosbarth dynodedig.

Yn enwedig yn awr, yn ystod yr amseroedd heriol hyn, mae'n hollbwysig i chi ddilyn cyfarwyddiadau eich darlithydd a staff eraill y Coleg bob amser.

Dysgu o Bell

- Gwnewch yn siŵr eich bod yn cysylltu â staff yn ystod oriau eich amserlen coleg yn unig, oni bai bod eich diogelwch o dan fygythiad, neu os ydych wedi trefnu ymlaen llaw i gyflwyno gwaith neu derbyn adborth.
- Paratowch ar gyfer pob un o'ch sesiynau mewn da bryd a gwnewch yn siŵr ichi ymuno â'r sesiwn ar ôl i aelod o staff ei gychwyn.
- Dim ond aelod o staff gall rheoli sesiwn, ac mi fydd yn cyfyngu ar nodweddion megis (dim ond rhai o'r nodweddion sydd i'w gweld isod):
 1. Diffodd meicroffonau
 2. Troi camerâu i ffwrdd
 3. Rheoli'r swyddogaeth sgwrsio
- Dim ond staff sydd â'r hawl i recordio sesiynau byw, ac mi fyddant yn rhoi gwybod i chi os ydynt yn bwriadu recordio unrhyw sesiwn (**ni** chaiff myfyrwyr recordio sesiynau na chymryd sgrinluniau o sesiynau byw)
- Pan fyddwch yn cymryd seibiannau, rhaid ichi ddychwelyd i'r sesiwn ar yr amser gofynnol.
- Gwnewch yn siŵr bod gennych yr adnoddau perthnasol wrth law cyn ichi ymuno â sesiynau.
- Dewiswch fan/ardal briodol i weithio - ystyriwch y pwyntiau isod:
 1. Signal Wi-fi dibynadwy i gyrchu'r sesiwn ar-lein.
 2. Man / ardal gyfforddus i wneud gwaith.
 3. Cymylwch gefndir eich sgrin neu defnyddiwch gefndir priodol.
 4. Dewiswch fan tawel lle na fydd unrhyw un/sŵn yn debygol o darfu arnoch (ni ddylech ddewis eich ystafell wely, lle bo hynny'n bosib)
- Gwisgwch ddillad sy'n addas ar gyfer y sesiwn, gwisgwch fel y byddech chi ar gyfer mynd i mewn i'r coleg.
- Parchwch bawb sy'n rhan o'r gymuned gweithio o bell.
- Peidiwch â recordio na thynnu lluniau o unrhyw blatfformau neu sesiynau dysgu o bell (oni bai eich bod wedi cael caniatâd gan y tiwtor ymlaen llaw).

- Peidiwch ag adrodd nac ysgrifennu unrhyw sylwadau anaddas.

"Efallai y bydd Office 365 yn destun monitro oherwydd rhesymau diogelwch neu reoli rhwydwaith, ac ni ddylech ddisgwyl i'ch preifatrwydd gael ei ddiogelu;"